



Broj: 01/3-50-1-25-17/04
Sarajevo, 3. februara 2005. godine

Z A P I S N I K
17. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 3. februara 2005. godine

Sjednica je počela u 9:00 sati.

Sjednicom je predsjedavao Petar Kunić, predsjedavajući Komisije.
Sjednici su prisustvovali: Marija Perkanović, Mladen Potočnik, Izet Hadžić, Fatima Leho, Dušanka Majkić i Ibrahim Đedović.
Odsustvovali sa sjednice: Azra Hadžiahmetović i Filip Andrić.

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika 16. sjednice Komisije
2. Prijedlog Zakona o izmjenama Zakona o Carinskoj tarifi Bosne i Hercegovine od 9.3.2004. godine, predlagača Azre Hadžiahmetović
3. Realizacija Zaključka 16. sjednice Komisije o «Izvještaju o strategiji izvozno-uvozne politike Bosne i Hercegovine», dostavljen od Ministarstva vanjske trgovine i ekonomskih odnosa
4. Razmatranje Izvještaja Ustavno-pravne komisije Predstavničkog doma o autentičnom tumačenju člana 3. Zakona o Vanjskotrgovinskoj komori Bosne i Hercegovine po zahtjevu Privredne komore Republike Srpske
5. Prijedlozi i mišljenja za izradu Orijentacionog radnog plana za 2005. godinu
6. Tekuća pitanja.

Ad-1

Zapisnik 16. sjednice Komisije usvojen je jednoglasno, bez primjedbi.

Ad-2

Prijedlog Zakona o izmjenama Zakona o Carinskoj tarifi Bosne i Hercegovine od 9.3.2004. godine, predlagača Azre Hadžiahmetović

Na 8. sjednici, održanoj 27.5.2004. godine, Komisija je razmatrala Prijedlog zakona o izmjenama Zakona o carinskoj tarifi Bosne i Hercegovine, upućen u parlamentarnu proceduru

od poslanika Azre Hadžiahmetović 9.3.2004. godine, koji se odnosi na uvoz autosklopova prvog i drugog stepena rastavnjenosti za industrijsku montažu.

Komisija je zaključila da Prijedlog izmjena navedenog Zakona ponovo razmatra kada dobije izjašnjenje, odnosno stav Upravnog odbora Uprave za indirektno oporezivanje. U međuvremenu je na osnovu člana 105. Poslovnika Predstavničkog doma i člana 100. Poslovnika Doma naroda u identičnom tekstu, kako je to predložila Azra Hadžiahmetović, Parlamentarna skupština BiH usvojila Zakon o dopunama Zakona o carinskoj tarifi Bosne i Hercegovine, objavljen u «Službenom glasniku BiH», broj 32/04.

Komisija je, imajući u vidu da je i Odlukom o usaglašavanju i utvrđivanju Carinske tarife Bosne i Hercegovine, objavljene u «Službenom glasniku BiH», broj 58/04, koja se primjenjuje od 1. januara 2005. godine, **z a k l j u č i l a** da obavijesti Kolegij Doma da je dalji rad Komisije na navedenom Zakonu predlagača dr Azre Hadžiahmetović bespredmetan.

Ad-3

Realizacija Zaključka 16. sjednice Komisije o «Izveštaju o strategiji izvozno-uvozne politike Bosne i Hercegovine» dostavljen od Ministarstva vanjske trgovine i ekonomskih odnosa

Ministarstvo vanjske trgovine i ekonomskih odnosa, postupajući po Zaključku 16. sjednice Komisije, dostavilo je odgovor na "Izveštaj o strategiji izvozno-uvozne politike u Bosni i Hercegovini".

U raspravi su učestvovali: Dušanka Majkić, Fatima Leho i Petar Kunić.

Komisija je prihvatila odgovor Ministarstva pod tačkom 1. i 2. koji je početkom 2004. godine, realizovan od strane Komisije i Predstavničkog doma kada su razmatrani "Strateški pravci u vođenju vanjskotrgovinske politike i podrške izvozu".

Također, u odgovoru Ministarstva pod tačkom 3. je navedeno da je Ministarstvo vanjske trgovine i ekonomskih odnosa formiralo radnu grupu koja već aktivno radi na izradi "Strategije promocije izvoza Bosne i Hercegovine do 2007. (2010.) godine". Ova strategija treba da ima u fokusu ciljeve ekspanzije BiH, determiniranje ciljnih izvoznih tržišta i prioriternih izvoznih sektora, te određivanje mjera, aktivnosti i institucije koje će omogućiti efikasno provođenje strategije. Radna grupa je definisala sadržaj strategije i isti razradila po poglavljima.

Komisija je **z a k l j u č i l a** da zatraži od Ministarstva da se poglavlja-oblasti, kako je to navedeno u odgovoru, dopune planiranim rokovima za utvrđivanje prijedloga za njihovu raspravu.

Ad-4

Razmatranje Izveštaja Ustavno-pravne komisije Predstavničkog doma o autentičnom tumačenju člana 3. Zakona o Vanjskotrgovinskoj komori Bosne i Hercegovine po zahtjevu Privredne komore Republike Srpske

Privredna komora Republike Srpske podnijela je zahtjev Parlamentarnoj skupštini Bosne i Hercegovine 29.11.2004. godine za autentično tumačenje člana 3. Zakona o Vanjskotrgovinskoj komori Bosne i Hercegovine. Ustavno-pravna komisija Predstavničkog doma, na sjednici održanoj 16.12.2004. godine, razmatrala je navedeni zahtjev i utvrdila da odredba člana 3. Zakona o Vanjskotrgovinskoj komori Bosne i Hercegovine nije sasvim jasna, koja se može različito tumačiti, radi čega je zakonodavac dužan otkloniti te nejasnoće.

Konstatovano je da uz Izveštaj Ustavno-pravne komisije o autentičnom tumačenju člana 3. Zakona o Vanjskotrgovinskoj komori Bosne i Hercegovine nije priloženo mišljenje Vijeća ministara BiH, na što obavezuje član 1.4. Zaključka o autentičnom tumačenju zakona, drugih propisa i općih akata Predstavničkog doma Parlamentarne skupštine BiH ("Službeni glasnik BiH", broj 24/04).

U raspravi su učestvovali Fatima Leho i Petar Kunić.

Komisija je **z a k l j u č i l a** da zatraži od Ustavno-pravne komisije da ispoštuje odredbu člana 1.4 navedenog Zaključka, da bi kao nadležna Komisija mogla provesti dalju proceduru na osnovu člana 1.5. Zaključka o autentičnom tumačenju zakona, drugih propisa i općih akata.

Ad-5

Prijedlozi i mišljenja za izradu Orijentacionog radnog plana za 2005. godinu

Na osnovu člana 45. stav 2. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 20/00) Komisija je razmatrala dopis Kolegija Predstavničkog doma u vezi davanja mišljenja i prijedloga za izradu Orijentacionog radnog plana Predstavničkog doma za 2005. godinu.

Kako se za sve aktivnosti Doma u Orijentacionom radnom planu preciziraju rokovi njihove realizacije, koji su podložni promjenama, najvažnije je ispoštovati rok prema odredbama Poslovnika u osnovnom zakonodavnom postupku - komisijske i plenarne faze kada se određeni zakon, međunarodni ugovor, inicijativa i druga akta dostave u parlamentarnu proceduru na razmatranje. Komisija će prema utvrđenoj dinamici iz okvira svog djelokruga poslova razmatrati predložena akta i blagovremeno izvještavati Dom.

Imajući u vidu da se Orijentacioni radni plan Doma utvrđuje najvećim dijelom na osnovu Programa rada Predsjedništva BiH i Vijeća ministara BiH, a koji do sada nisu upućeni Parlamentarnoj skupštini Bosne i Hercegovine, Komisija će na osnovu provedene poslovničke procedure i nakon dobijanja Radnog plana Doma za 2005. godinu sačiniti svoj Orijentacioni radni plan za 2005.godinu.

Komisija će predložiti Kolegiju Predstavničkog doma da se:

- ažurira razmatranje svih dosadašnjih akta koji su u proceduri, kao i razmatranje zakona koje je Visoki predstavnik proglasio na privremenim osnovama, a ostali su u obavezi da ih usvoji Parlamentarna skupština Bosne i Hercegovine;
- u okviru unutrašnje regulativne aktivnosti -aktivnosti informiranja, koja se odnosi na realizaciju zaključaka Doma, obavezno periodično – kvartalno informiše Dom o preduzetim mjerama i radnjama od institucije kojoj je zaključak upućen.

Ad-6

Tekuća pitanja

U okviru ove tačke dnevnog reda Dušanka Majkić, član Komisije istakla je da su prije dvije godine "Žitozajednica Bosne i Hercegovine" i Udruženje poljoprivrede i prehrambene industrije Republike Srpske pokrenuli inicijativu za ukidanje dodatnih dažbina (prelevmana) na uvoz svježeg i suhog kvasca koji se isključivo koristi kao repromaterijal u pekarstvu pri industrijskoj proizvodnji. Dalje je navela da su Ministarstvo vanjske trgovine i ekonomskih odnosa kao i regionalna Buldožer komisija podržali prijedlog za ukidanje dodatne dažbine za uvoz navedenih proizvoda, što do sada nije realizovano.

Komisija je podržala prijedlog i jednoglasno **z a k l j u č i l a** da zaduži Dušanku Majkić da, zajedno sa sekretarom Komisije pripremi tekst Zakona o izmjeni Zakona o carinskoj tarifi Bosne i Hercegovine za narednu sjednicu. Tada bi Komisija utvrdila konačan tekst Zakona koji bi se dostavio Vijeću ministara BiH -Ministarstvu vanjske trgovine i ekonomskih odnosa i Upravi za indirektno oporezivanje BiH radi dobijanja mišljenja za izmjenu navedenog Zakona.

Sjednica je završena u 10:00 sati.

Sekretar Komisije
Emira Češljarić

Predsjedavajući Komisije
dr. Petar Kunić